

**Қазақстан Республикасының Үкіметі мен Польша Республикасының Үкіметі арасында
Ұйымдасқан қылмысқа және қылмыстардың өзге де түрлеріне қарсы күрестегі
ынтымақтастық туралы келісім жасасу туралы**

Қазақстан Республикасы Үкіметінің қаулысы 2002 жылғы 24 мамыр N 566

Қазақстан Республикасының Үкіметі қаулы етеді:

1. Қоса беріліп отырған Қазақстан Республикасының Үкіметі мен Польша Республикасының Үкіметі арасындағы Ұйымдасқан қылмысқа және қылмыстардың өзге де түрлеріне қарсы күрестегі ынтымақтастық туралы келісімнің жобасы
м а қ ұ л д а н с ы н .

2. Қазақстан Республикасының Мемлекеттік хатшысы - Қазақстан

Республикасының Сыртқы істер министрі Қасымжомарт Кемелұлы Тоқаев
Қазақстан Республикасы Үкіметінің атынан көрсетілген Келісімді жасассын.

3. Осы қаулы қол қойылған күнінен бастап күшіне енеді.

Қазақстан Республикасының
Премьер-Министрі

Қазақстан Республикасының Үкіметі мен Польша Республикасының
Үкіметі арасындағы Ұйымдасқан қылмысқа және қылмыстардың
өзге де түрлеріне қарсы күрестегі ынтымақтастық туралы
КЕЛІСІМ

Бұдан әрі Тараптар деп аталатын Қазақстан Республикасының Үкіметі мен
Польша Республикасының Үкіметі:

екі мемлекет арасындағы достық қарым-қатынас пен ынтымақтастықты
дамыту мен нығайтуға ұмтыла отырып,

өз мемлекеттерінің ұлттық заңдарын құрмет тұта отырып және теңдік, өзара
сыйластық пен екі жаққа да пайдалы қағидаттарды басшылыққа ала отырып,
ұйымдасқан қылмыс пен қылмыстардың басқа да түрлерінің таралуына
а л а ң д а у ш ы л ы қ б і л д і р е о т ы р ы п ,

ұйымдасқан қылмыстың және қылмыстардың өзге де түрлерінің тиімді алдын алу
және оларға қарсы күрес үшін құқық қорғау органдарының ынтымақтастығының мәні

зор екендігіне көз жеткізе отырып,
осы органдардың жедел жұмысы мен алдын алу іс-қимылдарының оңтайлы
қағидаттарын, нысандарын және тәсілдерін әзірлеуге ұмтыла отырып,
төмендегілер туралы келісті:

1-бап

1. Тараптар ұйымдасқан қылмыстың және қылмыстардың өзге де түрлерінің алдын алу бойынша, оларға қарсы күресте және мынадай қылмыс түрлерін жасаған кінәлі адамдарды анықтау кезінде ынтымақтасуға міндеттенеді:

- 1) адамдардың өмірі мен денсаулығына қарсы;
- 2) меншікке қарсы;

3) есірткі құралдары мен психотроптық заттарды дайындауға арналған өсімдіктерді заңсыз өсіру, осындай құралдар мен прекурсорларды өндіру, оларды заңсыз өңдеу, тасымалдау және олардың айналымы;

- 4) терроршылдық және адамдарды кепілдікке алу;

- 5) қоныс аударушыларды заңсыз әкелу, адамдарды саудаға салу және

оларды жезөкшелікке мәжбүрлеу;

6) порнографиялық сипаттағы мәтіндерді, фотосуреттерді немесе басқа да материалдарды дайындау;

7) қарулардың, оқ-дәрілердің, жарылғыш және басқа да қауіпті заттардың, ядролық және радиоактивтік материалдардың заңсыз дайындалуы мен айналымы;

- 8) өнер туындылары мен мәдени мұраларды ұрлау;

9) ақша белгілерін, төлем карточкаларын, чектерді және өзге де есептесу және төлем құжаттарын, бағалы қағаздарды, сондай-ақ басқа да ресми құжаттарды қолдан жасау және оларды айналымға енгізу;

10) заңсыз экономикалық іс-әрекеттер, қылмыстардан, салық қылмыстарынан түскен кірістерді заңдастыру;

- 11) мемлекеттік қызметшілердің сыбайлас жемқорлығы;

- 12) заңмен қорғалатын табиғи ортаға қарсы.

2. Тараптар осы баптың 1-тармағында санамаланған қылмыстардың өзге де түрлері бойынша ынтымақтасуға міндеттенеді.

2-бап

Осы Келісімнің 1-бабында сөз болып отырған ынтымақтастықты іске асыру үшін Тараптар өз мемлекеттерінің ұлттық заңнамасына сәйкес:

1) бір-біріне мыналарға қатысты ақпарат береді:

а) қылмыстық әрекеттерге кінәлі адамдарға, оларды ұйымдастырушылар мен қатысушыларға;

б) кінәлі адамдар арасындағы қылмыстық байланыстарға;

в) қылмыстық топтар мен ұйымдардың құрылымына және олардың әрекет жасау әдістеріне;

г) жекелеген кінәлі адамдар мен олардың топтарына тән мінез-құлықтарға;

д) қылмыстың жасалу уақытына, орнына, жасалу тәсіліне, оның мәнісі мен ерекшеліктеріне қатысты істердің айтарлықтай жай-жапсарларына;

е) қылмыстық құқықтың бұзылған ережелеріне;

ж) нақты қылмыстар бойынша Тараптар мемлекеттерінің құқық қорғау органдары қабылдаған іс-шаралар мен олар туралы нәтижелерге;

2) осы Келісімнің 1-бабында санамаланған қылмыстардың жасалуына күдікті немесе оларды жасағандығы үшін сот жазасынан жалтарған адамдарды іздестіруді жүзеге асырады ;

3) хабар-ошарсыз кеткен адамдарды іздестіруді жүзеге асырады, белгісіз адамдарды сәйкестендіруге байланысты, сондай-ақ мәйіттерді анықтау жөнінде шаралар қабылдайды ;

4) қажет болған жағдайда, тиісті жедел-іздестіру іс-шараларын қарастырады және кешіктірмей орындайды ;

5) қылмысқа қарсы күрес әдістері туралы, сондай-ақ қылмыстық әрекеттердің жаңа нысандары туралы жұмыс тәжірибесімен және ақпараттармен алмасады;

б) қылмысқа қарсы күрес саласындағы заңнамалық кесімдермен, сондай-ақ

криминалистика және криминология саласындағы зерттеу нәтижелерімен алмасады;

7) жасалған қылмысқа байланысты заттар туралы бір-біріне ақпарат береді;

8) Тараптардың келісімі бойынша қылмысқа қарсы күреске арналған техникалық жабдықтар береді;

9) кәсіптік жетілдіру үшін, атап айтқанда, криминалистикалық техника және қылмыстармен күрес әдістері саласында сарапшылар алмасуды, кәсіптік оқулықтар және осы Келісімнің мәнісіне қатысты басқа да басылымдармен

алмасуды ұйымдастырады;

10) Тараптардың келісімі бойынша ынтымақтастықтың басқа да нысандары қабылдануы мүмкін.

3-бап

Тараптар осы Келісімнің 2-бабының 1-тармағында санамаланған ақпараттарға қарамастан, 1-баптың 1-тармағының 3-тармақшасында көзделген мәселелер ш е н б е р і н д е :

1) бір-біріне мыналар туралы ақпарат береді:

а) есірткі құралдарының, психотроптық заттар мен прекурсорлардың заңсыз айналымы, сондай-ақ олардың заңсыз айналымына қатысты адамдар туралы;

б) есірткі құралдарының, психотроптық заттар мен прекурсорлардың жасалу, сақталу орындары мен тәсілдері, жеткізуге қолданылатын көлік құралдары, қозғалыс бағыттары мен жеткізу орындары туралы;

2) бір-біріне өсімдік тектес және жасанды есірткі құралдарының психотроптық заттар мен прекурсорлардың жаңа үлгілерін береді;

3) есірткі құралдарының, психотроптық заттар мен прекурсорлардың заңды айналымын бақылау саласындағы жұмыс тәжірибесімен алмасады.

4 - б а п

Тараптар жоспарланған және жасалған террорлық актілер туралы, кінәлі адамдар іс-әрекетінің тәсілі туралы және Тараптар мемлекеттерінің мүдделеріне қатер төндіретін қылмыстарды жоспарлап отырған немесе жасаған терроршыл топтар туралы а қ п а р а т т а р м е н а л м а с а д ы .

5 - б а п

Қоныс аударушыларды заңсыз әкелуге қарсы күрес үшін Тараптар бір-біріне қылмыстың осы түрінің алдын алу және онымен күресу үшін қажетті ақпараттарды, ал әсіресе, қоныс аударушыларды заңсыз әкелуді ұйымдастырушылар, мемлекеттік шекарадан өту үшін талап етілетін

құжаттардың үлгілері, осы құжаттарға қойылатын мөрлер, сондай-ақ визалар мен рәміздер түрлері туралы ақпараттар береді.

6-бап

1. Мақсаты осы Келісімді орындау болып табылатын барлық байланыстар тікелей құзыретті мемлекеттік органдар немесе олардың уәкілетті өкілдері арасында жүзеге асырылады.

2. 1-тармақта сөз болған құзыретті органдар мыналар болып табылады:

Қазақстан Республикасының тарапынан:

- 1) Бас Прокуратура;
- 2) Ішкі істер министрлігі;
- 3) Ұлттық қауіпсіздік комитеті;
- 4) Қаржы полициясы агенттігі;
- 5) Мемлекеттік кіріс министрлігінің Кеден комитеті;

Польша Республикасының тарапынан:

- 1) ішкі істер бойынша құзыретті министр;
- 2) қаржы мекемелерінің мәселелері бойынша құзыретті министр;
- 3) жария қаржы мәселелері бойынша құзыретті министр;
- 4) Мемлекетті қорғау жөніндегі басқарма шефы;
- 5) Полицияның бас коменданты;
- 6) Шекара қызметінің бас коменданты;
- 7) Бас прокурор;

немесе Тараптар мемлекеттерінің ұлттық заңнамасына сәйкес осы Келісіммен көзделген ынтымақтастықты орындауға уәкілетті кез келген орган.

3. Құзыретті органдардың ресми атаулары өзгерген жағдайда, Тараптар ол туралы бір-біріне дипломатиялық арналар бойынша дереу хабарлайды.

7 - б а п

1. 6-бапта санамаланған органдар өз құзыреттері шегінде осы Келісімнің ережелерін іске асыру мақсатында ынтымақтастықтың нақты салалары бойынша атқару хаттамаларын жасауға өкілетті.

2. Осы Келісімге Тараптардың өзара келісімі бойынша осы Келісімнің ажырамас бөлігі болып табылатын хаттамалармен ресімделетін өзгерістер мен толықтырулар енгізілуі мүмкін.

8 - б а п

1. Тараптар құпия берілетін ақпараттың қорғалуын қамтамасыз етуге және оны осы

Келісімді орындау мақсатында ғана пайдалануға міндеттенеді.

2. Осы Келісімге сәйкес алынған мәліметтерді, құжаттаманы және техникалық жабдықты беруші Тараптың жазбаша рұқсатынсыз үшінші тарапқа бермеуге міндеттенеді.

3. Бір Тараптың беретін құпия мәліметінің жария болуы ықтимал немесе ол жария болған жағдайда, екінші Тарап ол оқиға туралы беруші Тарапқа дереу мәлімдейді, оқиғаның мән-жайы және оның зардаптары туралы, сондай-ақ мұндай оқиғалардың алдын алу үшін қабылданған шаралар туралы хабарлайды.

4. Тараптар өз мемлекеттерінің ұлттық заңнамасы мен қолданыстағы халықаралық шарттарға сәйкес бір-біріне беретін жеке деректердің сақталуын қамтамасыз етеді.

9 - б а п

1. Егер бір Тарап осы Келісімнің 2-5-баптарында сөз болып отырған ақпараттарды беру немесе бірлескен іс-шараларды іске асыру оның мемлекеттік егемендігін, қауіпсіздігін немесе құқық тәртібінің қағидаттарын бұзуы мүмкін деп санаса, ол ынтымақтастықтан толық немесе ішінара бас тарта немесе осы Келісімнің ережелерін орындау үшін қажетті белгілі бір шарттар ұсына алады.

2. Тараптар бір-біріне сарапшылар алмасуына қатысатын адамдардың аты-жөндерін бұл іс-шара жоспарланған күнге дейін екі аптадан кешіктірмей беруі тиіс.

10-бап

Осы Келісімнің 6-бабында санамаланған органдар осы Келісімнің мәні болып табылатын ынтымақтастықтың тиімділігін қамтамасыз ету үшін консультацияларды жүзеге асыруы мүмкін.

11-бап

Осы Келісім Тараптардың халықаралық шарттардан туындайтын қылмыстық істер, экстрадициялау және басқа да міндеттемелері бойынша құқықтық көмек туралы ережелерді қозғайды.

1 2 - б а п

Тараптар осы Келісімнің ережелерін орындау жөніндегі шығыстарды өздерінің міндеттемелерін орындау үшін қажетті шегінде дербес шешеді. Қажет болған жағдайда, Тараптар осы Келісім бойынша бірлескен шығыстарды көтереді, бұл әрбір нақты жағдай бойынша Тараптардың құзыретті органдарының шешімдерімен анықталады.

1 3 - б а п

1. Осы Келісімді түсіндіруге немесе қолдануға қатысты даулар 6-бапта санамаланған органдар арасында олардың құзыреті шеңберіндегі тікелей келіссөздер жолымен шешілетін болады.

2. Қажет болған кезде даулы мәселелерді шешу үшін Тараптардың өкілетті өкілдерінің тең санынан тұратын келісу комиссиясы құрылады. Тараптардың өкілетті өкілдерінің қолдары қойылған Келісу комиссиясы мәжілісінің хаттамасын Тараптардың құзыретті органдары орындауға қабылдайды.

1 4 - б а п

Тараптардың құзыретті органдары осы Келісімді орындауға байланысты мәселелер бойынша өздерінің мемлекеттік тілін не орыс тілін пайдаланады.

1 5 - б а п

1. Осы Келісім Тараптардың осы Келісімнің күшіне енуі үшін қажетті мемлекетішілік барлық рәсімдерді орындау туралы ноталары басқа Тарапқа хабарлаған Тарап соңғы жазбаша хабарламаны алған күнінен бастап күшіне енеді.

2. Осы Келісім белгісіз уақытқа жасалады. Оны жазбаша хабар беру жолымен Тараптардың кез келгені бұза алады. Бұл жағдайда Келісім, оны бұзу туралы нота алынған күннен бастап 6 ай өткен соң күшін жояды.

_____ жылғы "___" _____ қаласында әрқайсысы қазақ, поляк және орыс тілдерінде екі данада жасалды, әрі барлық мәтіндердің күші бірдей. Осы Келісімнің ережелерін түсіндіруде келіспеушілік туындаған жағдайда Тараптар орыс тіліндегі мәтінге жүгінетін болады.

Қазақстан Республикасының Польша Республикасының

Үкіметі үшін

Үкіметі үшін

Мамандар:

Багарова Ж.А.,

Қасымбеков Б.А.

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМҚ